

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ
ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N ԱՀԾ-ՀՄԱԾՁԲ-26/02**

ք.Երևան

« 18 » մայիս 2026թ.

ՀՀ արտաքին հետախուզության ծառայությունը, ի դեմս Հայկ Պետրոսյանի, որը գործում է Ծառայության կանոնադրության հիման վրա (այսուհետ՝ Պատվիրատու), մի կողմից, և «Վան Արյան» ՍՊԸ- ն, ի դեմս տնօրեն Վիլյամ Պողոսյանի, որը գործում է Ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է թվային տպագրության ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N^o 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N^o 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը

2.1.2 Եթե մատուցվել է պայմանագրի N^o 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N^o 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս կողմից մատուցված պատշաճ ծառայության դիմաց վճարման ենթակա գումարները, իսկ վճարան ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու պատշաճ մատուցված ծառայության դիմաց վճարման ենթակա գումարները, իսկ Պատվիրատուի կողմից պայմանագրի 4.2 կետում նշված վճարման ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության պատշաճ մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված № 3.1) և հանձնման-ընդունման արձանագրության 2 /երկու/ օրինակ (հավելված № 3):

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները.

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 (տաս) աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 1 166 300 (մեկ միլիոն հարյուր վաթսուներեց հազար երեք հարյուր) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է պայմանագրի 3-րդ բաժնով նախատեսված կարգով ընդունելու դեպքում՝ ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված № 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 27-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, 10 աշխատանքային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի № 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն սահմանված ժամկետում չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորություններն ամբողջությամբ և պատշաճ՝ պայմանագրով սահմանված պահանջներին համապատասխան կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի գրավոր առաջարկի առկայության դեպքում՝ պայմանով, որ Պատվիրատուի համար ծառայության մատուցման պահանջը չի վերացել, իսկ Կատարողի գրավոր առաջարկը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավելի քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման շրջանակներից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն ուղարկում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

7.11 Սույն պայմանագիրը կազմված է _____ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի №№ 1, 2, 3 և 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ
ՀԵՏԱԽՈՒՂՈՒԹՅԱՆ ԾԱՌԱՅՈՒԹՅՈՒՆ
Ք. Երևան, Կառավարության տուն 1
ՀՀ ՖՆ կենտրոնական գանձապետարան
ՀՀ 900011045987
ՀՎՀՀ 02900687

ՀԱՅԿ ՊԵՏՐՈՍՅԱՆ

/ստորագրություն/ Կ.Տ.




Կ Ա Տ Ա Ր Ո Ղ

« ՎԱՆ ԱՐՅԱՆ, » ՍՊԸ
ՀՀ ք. Երևան, Կիլյան 4/3 բն. 20
« ԱՅ ԴԻ ԲԱՆԿ » ՓԲԸ
ՀՀ 11817 000346100
ՀՎՀՀ 00020366

ՎԻԼՅԱՄ ՊՈՂՈՍՅԱՆ

/ստորագրություն/ Կ.Տ.



ՏԵՆԻՒԿԱԿԱՆ ԲՆՈՒԹԱԳԻՐ - ԳՆԱՄՆ ԺԱՄԱՆԱԿԱՑՈՒՅՑ*

ՀՀ դրամ

Իրավ երով նախ ատես ված չափ աբաժ նի համա րը	գնումների պլանով նախատեսվ ած միջանցիկ ծածկագիրը՝ ըստ ԳՄԱ դասակարգմ ան (CPV)	Անվանումը և ապրանքային նշանը	Ծառայության					ընդհա նուր քանա կը	հասցեն	մատուցման
			տեխնիկական բնութագիրը	չափնա ն միավոր ը	ընդհանուր գինը/ՀՀ դրամ	զանգ ն միավոր ը	ըրամ			
1	7981100/1	Թվային տպագրության ծառայություն եր / գրանցամատյ ան	տեխնիկական բնութագիրը Թղթի չափը՝ 31.5 x 21.5սմ, 80գր կալնապատ, գույնը՝ սպիտակ: Տպագրությունը միագույն (սև): Տպագրվող թերթերի քանակը 100, համարակալումով: Դիզայնը համաձայնեցնել պատվիրատուի հետ: Կազմը առանց տպագրության, հաստ, ամուր թղթից, կապույտ գույնի երեսպատումով, թելակար ստանձվածքով: Կազմի մի կողմի չափը 32 x 22.5սմ: Պատվիրատուին ներկայացնել նմուշային օրինակ, որից հետո կհաստատվի տպագրության: Քանակը՝ 34 հատ	ըրամ	387,600	387,600	1	ՀՀ ք. Երևան, Կառավարակա ն տուն 1	Պայմանագրով նախատեսված կողմերի իրավունքների և պարտականություն երի կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում	
2	7981100/2	Թվային տպագրության ծառայություն եր / գրանցամատյ ան	Թղթի չափը՝ 21 x 14.5սմ, 80գր կալնապատ, գույնը՝ սպիտակ: Տպագրությունը միագույն (սև): Տպագրվող թերթերի քանակը 100, համարակալումով: Դիզայնը համաձայնեցնել պատվիրատուի հետ: Բովանդակությունը կտրամադրի պատվիրատուն: Կազմը առանց	ըրամ	13,300	13,300	1	ՀՀ ք. Երևան, Կառավարակա ն տուն 1	Պայմանագրով նախատեսված կողմերի իրավունքների և պարտականություն երի կատարման պայմանն ուժի մեջ մտնելու օրվանից	

3	79811100/3	Թվային տպագրության ծառայություններ / ձևաթուղթ	<p>տպագրության, հաստ, ամուր թղթից, կապույտ գույնի երեսպատումով, թելակար սունձվածքով: Կազմը թղթի չափից 2-3 մմ մեծ: Պատվիրատուին ներկայացնել նմուշային օրինակ, որից հետո կհաստատվի տպագրության: Քանակը՝ 2 հատ</p> <p>Թուղթը 160 գր, գույնը սպիտակ, չափերը 21x15 սմ: Տպագրությունը միագույն (սև)՝ կտրամադրի պատվիրատուն: Տպագրության դիզայնը համաձայնեցնել պատվիրատուի հետ: Պատվիրատուին ներկայացնել նմուշային օրինակ, որից հետո կհաստատվի տպագրության: Քանակը՝ 100 հատ</p>	դրամ	3,800	3,800	1	ՀՀ ք. Երևան, Կառավարական տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում
4	79811100/4	Թվային տպագրության ծառայություններ / ձևաթուղթ	<p>Թուղթը 160 գր, գույնը սպիտակ, չափերը՝ 21 x 29.5 սմ: Տպագրությունը միագույն (սև), երկկողմանի: Բովանդակությունը կտրամադրի պատվիրատուն: Տպագրության դիզայնը համաձայնեցնել պատվիրատուի հետ: Պատվիրատուին ներկայացնել նմուշային օրինակ, որից հետո կհաստատվի տպագրության: Քանակը՝ 100 հատ</p>	դրամ	7,600	7,600	1	ՀՀ ք. Երևան, Կառավարական տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում
5	79811100/5	Թվային տպագրության ծառայություններ / ձևաթուղթ	<p>Ձևաթուղթ (բանկ)՝ թուղթը 160 գր, գույնը սպիտակ, Ա4 չափի, վերևում գունավոր տպագրված ՀՀ ԱՀ տարբերանշանը և հայերեն տեքստ (5-8) բառ, բովանդակությունը կտրամադրի պատվիրատուն: Տպագրության դիզայնը համաձայնեցնել պատվիրատուի հետ: Պատվիրատուին ներկայացնել նմուշային տպագրության: Քանակը՝ 100 հատ</p>	դրամ	48,000	48,000	1	ՀՀ ք. Երևան, Կառավարական տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10

6	79811100/6	Թվային տպագրության ծառայություններ / այցեքարտ	<p>օրինակ, որից հետո կհաստատվի տպագրության: Քանակը՝ 2000 հատ</p> <p>Թուղթը 350 գր, երկկողմանի 4+4 տպագրություն, չափը 90 x 60մմ, դիզայնով: Բովանդակությունը կտրամադրի պատվիրատուն: Տպագրության դիզայնը համաձայնեցնել պատվիրատուի հետ: Պատվիրատուին ներկայացնել նմուշային օրինակ, որից հետո կհաստատվի տպագրության: Քանակը՝ 500 հատ</p>	դրամ	17,000	17,000	1	ՀՀ ք. Երևան, Կառավարական և տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում
7	79811100/7	Թվային տպագրության ծառայություններ / թղթապանակ	<p>Թուղթը դեկորատիվ 300-350 գր, գույնը՝ կապույտ, չափերը 22.5 x 32 սմ, մեջտեղից բացվող, դիմային էջի վերևի հատվածում արծաթագույն դաջված ՀՀ արտաքին հետախուզության ծառայության տարբերանշանը (չափ 6սմ տրամագծով): Տպագրության դիզայնը համաձայնեցնել պատվիրատուի հետ: Քանակը՝ 300 հատ</p>	դրամ	228,000	228,000	1	ՀՀ ք. Երևան, Կառավարական և տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում
8	79811100/8	Թվային տպագրության ծառայություններ / թղթապանակ	<p>Թուղթը դեկորատիվ 300-350 գր, գույնը կապույտ (համաձայնեցնել պատվիրատուի հետ), չափերը 22.5 x 32 սմ, մեջտեղից բացվող, դիմային էջի վերևի հատվածում արծաթագույն դաջված ՀՀ արտաքին հետախուզության ծառայության տարբերանշանը (չափ 6սմ տրամագծով): Թղթապանակը գրայնիկով, չափերը 19 x 7սմ, խորությունը 0.5 սմ: Տպագրության</p>	դրամ	228,000	228,000	1	ՀՀ ք. Երևան, Կառավարական և տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում

9	79811100/9	Թվային տպագրության ծառայություններ / ծրար կրաֆիթից Ա4	Ա4 չափի թղթերի համար նախատեսված հատուկ ծրարներ (25 x 34 սմ)՝ չթափանցող, եռանկյունաչափ փակվող, կրաֆտ 150 գր. թղթից՝ նախատեսված գաղտնիություն պարունակող նամակների համար, ծրարի վրա սև գույնով տպագրությամբ (բովանդակությունը կտրամադրվի պատվիրատուի կողմից): Քանակը՝ 500 հատ	դրամ	126,000	126,000	1	ՀՀ ք. Երևան, Կառավարական տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում
10	79811100/10	Թվային տպագրության ծառայություններ / ծրար կրաֆիթից Ա5	Ա5 չափի թղթերի համար նախատեսված հատուկ ծրարներ (20 x 25.5 սմ)՝ չթափանցող, եռանկյունաչափ փակվող, կրաֆտ 150 գր. թղթից՝ նախատեսված գաղտնիություն պարունակող նամակների համար, վրան սև գույնով տպագրությամբ (բովանդակությունը կտրամադրվի պատվիրատուի կողմից): Քանակը՝ 500 հատ	դրամ	107,000	107,000	1	ՀՀ ք. Երևան, Կառավարական տուն 1	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից հետո 10 աշխատանքային օրվա ընթացքում

Պ Ա Տ Վ Ի Ր Ա Տ ՈՒ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ
ՀԵՏԱՆՈՒՉՈՒԹՅԱՆ ԾՐԱՐ ԶՈՒԹՅՈՒՆ

Ք. Երևան, Կառավարական տուն 1
ՀՀ ՖՆ կոնտրոլային գնումնապետության

900011045687

02900687

ՀԱՅԿ ՊԵՏՐՈՅԱՆ

Կառավարություն/ Կ.Տ.

Կ Ա Տ Ա Ր Ո Ղ

« ԿԱՆ ԱՐՅԱՆ » ՍՊԸ
ՀՀ ք. Երևան, Կիկյան 4/3 բն. 20

« ԱՅ ԴԻ ԲԱՆԿ » ՓԲԸ

ՀՀ 11817 000346100

ՀՎՀՀ 00020366

ՎԻՅՆԱ ՊՈՂՈՅԱՆ

Կառավարություն/ Կ.Տ.



Կառավարություն/ Կ.Տ.

9	79811100/9	Թվային տպագրության ծառայություններ / ծրար կրաֆթից Ա4	126,000	126,000	126,000	126,000	126,000	126,000	126,000	126,000	126,000	126,000	126,000
10	79811100/10	Թվային տպագրության ծառայություններ / ծրար կրաֆթից Ա5	107,000	107,000	107,000	107,000	107,000	107,000	107,000	107,000	107,000	107,000	107,000

**Պ Ա Տ Վ Ի Ր Ա Տ ՈՒ
Հ Ա Յ Ա Տ Ա Ն Ի Հ Ա Ն Ր Վ Պ Ե Տ ՈՒ Թ Յ Ա Ն
Ա Ր Տ Ա Ք Ի Ն Հ Ե Տ Ա Ն ՈՒ Հ ՈՒ Թ Յ Ա Ն
Շ Ա Ռ Ա Յ ՈՒ Թ Յ ՈՒ Ն**

Ք. Երևան, Կառավարության տուն 1
ՀՀ ՖՆ կենտրոնական գնումնապետարան

ՀՀ 90001110-45987
ՀՀ 02900687
ՀԱՅԿ ՊԵՏՐՈՅԱՆ

(ստորագրություն) / Կ. Տ.



Կ Ա Տ Ա Ր Ո Ղ

« Վ Ա Ն Ա Ր Յ Ա Ն » Ս Պ Ը
ՀՀ Ք. Երևան, Կիլկյան 4/3 բն. 20
« Ա Յ Դ Ի Բ Ա Ն Կ » ՓԲԸ
ՀՀ 11817 000346100
ՀՎՀՀ 00020366

Վ Ի Լ Յ Ա Մ Պ Ո Ղ Ո Յ Ա Ն

